

# الخواطر السيئة \_ حكمها و ضررها و كيف نتعامل معها \_ كلام خطير

علاء حامد

الحمد لله و اشهد ان لا الله الا الله وحده لا شريك له و اشهد ان محمدا عبده و رسوله صلى الله عليه وسلم. اما بعد اهلا و مرحبا بكم في اه لقاء جديد من لقاءات لايف يوم الاثنين - 00:00:00

اه اخر لايف اتكلمنا فيه كنا اتكلمنا في موضوع خطير جدا جدا و وعدنا ان احنا نكمله في اللقاء دوت او نتكلم في حلة تانية متعلقة به اتكلمنا المرة الاخيرة في ايه - 00:00:15

اتكلمنا في الوسوس الذي يصيب الانسان و سواس اللي زي الوسوس القهري و وسواس الطهارة و سواس في العقيدة. واحد بيعتقد نفسه بيكره واحد بيعتقد نفسه بيطلق مراته. اللي بيعتقد ان هو ما توضاش و يتوضا تاني وتالت و رابع. جوة الصلاة يقعد يعيده في التكبير يكبر كتير - 00:00:27

ويعيده التشهد ويشك في الركعات. كلمنا لايف كامل اكتر من ساعة في القصة ديت و اتعلمنا ايه اللي نعمله مع الوسوس دوت والحمد لله رب العالمين. ازن في ناس كتير استفادوا منه يا رب. تكونوا استفادتم منه و ناس كتير - 00:00:51

يعني الدنيا نورت معها وقالت يعني انا اول مرة اعرف ان انا الوسوس دوت في ميزان حسناتي اصلا وان ده يعني خير وان ده رحمة من رب العالمين دليل على الايمان. وازاي اقدر اتعامل معه؟ وازاي اقدر ابقى حازم و حاسم في التعامل مع الوسوس؟ يمكن تكرار الكلام - 00:01:10

استهلك من هنا وقت لكن اللي عايز يرجع للموضوع بتفاصيله يكتب على اليوتيوب كده آآ و سواس و يكتب علاء حامد او يكتب القضاء النهائي تقريبا سميتها القضاء النهائي على وساوس الكفرية و وسواس الطهارة. يعمل سيرش على اليوتيوب هيلاقى الدرس او على الساوند - 00:01:30

لان الموضوع ده مهم جدا. ازاي نتعامل مع الوسوسه كان في نقطة مهمة احنا قلنا بردو عايز اضيف نقطة صغيرة كده قبل ما نبدأ موضوعنا النهاردة اللي هم قريب منه لكن آآ في باب تاني بس هو - 00:01:50

يعني ايه مش بعيد عن الوسوسه. آآ وهو ان احنا قلنا ان الوسوسه دي فاكرين قلنا ان هي عباره عن افكار عشوائية بتهجم على دماغك و بتقعد تطرق بشدة دماغ كده و بتتولد ذاتيا و بتروح ذاتيا. فقلنا ان مش الحل فيها ابدا ان انت تتفاعل معها - 00:02:05 لا في العقيدة ان انت تسأل ولا في الاحكام ان انت تعمل. يعني ما تقدر تكرر عشان الوسوس حاجة معينة. ما تروحش تسأل كتير انا كفرت ولا ما كفرتش؟ انا عملت كذا. انا كده كافر ولا مش كافر؟ غلط. مش حل الوسوسه ان انت تقعد تتفاعل معها. سواء بالسؤال او - 00:02:24

بالتفاعل الايجابي معها. اتكلمنا بالتفصيل في الموضوع ده. و قلنا الحل المثالى اللي هو قاله النبي عليه الصلاة والسلام في الوسوسه قال فليستعد بالله ولينتهي فليستعد بالله ولينتهي. يعني يقول انسان اعوذ بالله من الشيطان الرجيم و اتفل عن يساره مثلا ثلاثة ولينتهي ان يتوقف - 00:02:44

فورا عن التفكير في هذه الوسوسه وده الحل المسالى اللي في الآخر الطبيعي النفسي وصل له ولاء وجدوا ان ايقاف التفكير هو ده الحل المسالى عشان كده حتى كل الداوية - 00:03:04

النفسية اللي بتعطى لمريض الوسواس هي مش بتعالجه في الحقيقة. هي في الحقيقة بتعمل خمول بحيس ان هو عقله بيطل يفكر فكر في الافكار ديت. هي في النتيجة بتخللي عملية الانتهاء او التجاهل اجباريا. عشان كده للاسف مريض الوسواس لما الموضوع بيهدى معه - 00:03:17

افتكر ان هو خف فيبطل الدواء. فلما يبطل الدواء بيهمج عليه الوسواس بقوة شديدة يمكن اكتر من الاول ان الدواء مش ما كانش بيعالج. الدواء كان بيساعدك تعمل الحاجة اللي انت مش عايز تعاملها. اللي هي التوقف والانتهاء. تمام - 00:03:37

فلزلك الانسان المفترض ان هو يحاول يعمل الموضوع ده بنفسه ويجهتهد ان هو يعمله بنفسه ان ينتهي لا يستجيب. طيب تفاصيل الموضوع ده في اللي فات. اللي عايز اضيفه بس المرة دي ونسبيت اقوله - 00:03:55

اللایف اللي فات وهو ان بعض الناس وده شفته بعض الناس يقول لك انا لما بيجي لي الوسوس بستغفر هل ده صح ولا غلط تفتكروا  
يعني لو ان انسان جا له وسوس. جا له وساوس كفرية مسلا - 00:04:08

وساوس كفريه في حق الله تعالى. وساوس فعلا زي ما وصفناه المرة اللي فاتت اه هل صح ان هو يعني يستغفر من الوساوس ولا ده مش مش احسن حاجة. اه الاستغفار عموما جميل. يعني اكيد اي استغفار حلو. بس في الموطن ده بالذات. ان انسان جا له وساوس كفري مسلا - 00:04:23

هو استعزمه يعني. فهو ما تفاعلهش معه. هو هينتهي خلاص. تمام؟ نفترض ان هو حينتهي. بس هو راح قعد يستغفر من هذا الوسواس هل ده تصرف ايجابي في الحالة دي ولا لا - 00:04:44

قالوش استغفر - 00:04:58

قال له فليستعز بالله ولينتهي ليه يا جماعة؟ لأن أنا لو استغفرت من الوسواس ده دليل على أن أنا باعاتب نفسي وبلوم نفسي  
وشأيف ان أنا مقصراً ومنزنب لأن الوسواس ده بيجي لي - 00:05:25

احنا اول حاجة قلناها في اللقاء اللي فات ان الوسواس مش زنب مش خطيئة مش حاجة تستدعي ان انت تتوبي منها وانما هو ابتلاء  
ابتلاء زي مرض البدن ابتلاء ربنا بيبيتلي به العبد والحل زي ما اتكلمنا المرة اللي فاتت. فهو مش زنب - 00:05:43

بل هو اجر زي ما بینا المرة اللي فاتت زي ما ابتلاء البدن له اجر. ابتلاء العقل اللي هو اصعب له اجر. فانت بتؤجر اصلا. فلمازا تستغفر تمام؟ فالاستغفار ده نوع من التفاعل الايجابي مع الوسواس. اللي هو قلنا ما ينفعش تتفاعل معه. والصح تتجاهله. ومن التجاهل ان انت ما - 00:06:02

من الوسوس انما تستعز بالله من الوسوس تمام لان البعض بيعتقد ده الحل يقول استغفر الله. مش عارف الافكار دي بيتجي استغفر الله. لا انت كده بتلوم نفسك. وبتقطم نفسك وبتتعاتب نفسك. واحنا مش عايزين كده - 00:06:22

احنا عايزين ان احنا نستعز بالله نبقى اقوياء قدام ونقول له انت ما لكش لازمة انت تافه انت حقير انت لازم تطلع برة انت ما لكش وجود في حياتنا مش - 00:06:40

استغفر منك مش هحس انانا مذنب. مش هحس انانا مقصري بس بيك واطرده تماماً وما تفاعلاش معه ابداً دي كانت خاطرة كده  
سريعة كنت عايز اكمل بها الصورة بتاعة المرة اللي فاتت. طب احنا النهاردة هنتكلم في ايه - 00:06:50  
هنتكلم في الخواطر بقى ايه الخواطر دي؟ زي ما سميينا الدرس ده خواطر. الخواطر مش الوسواس بقى. يعني خلاص احنا عديننا  
الوسواس اللي هو الافكار الایه؟ القهرية ديت اللي تأتي بشكل مزعج تطرق العقل جداً وبتعجمه جداً وبتدمر عليك الحياة وبتراكم  
معاتعها 00:07:05 - أ. تهتم بأهم ش

مش هتكلم في ده خالص خالص انا هتكلم عن الخواطر العادية مش وسوسه. خاطر عادي بيجي لاي حد بيتجي للصالحين بيتجي للفاسدين. نتحلل، للناس خاطر يعني، خاطر عدي، على، اتعاما، معه ازاى - 00:07:28

وطبعا هنا مش هتكلم على الخاطر الحسن الخواطر اللي بتيجي الانسان مش وسوس وده مش مريض وسوس ولا واحد موسوس.

خواطر عادية زي واحد جا له خاطر كده يزني. جا له خاطر يعمل حاجة شمال. جا له - 00:07:45

يأزي حد جاله خاطر كفري بس مش وسوس يعمل معه ايه لأن ده بقى ده الحالة اللي هي انسان طبيعي بقى خلاص. مش مريض مش موسوس. مش مش مبتلى بوسوس. لأن ده خاطر عادي. بييجي لاي حد - 00:07:58

النهاردة كلامنا على الخواطر بقى تمام؟ ايه التعامل معها الصح خواطر زي ما قلنا الخواطر على انواع في خواطر نافعة تلاقى واحد

بيفكر في قرآن بيتدبر اية بييفكر في ان شاء الله حتى بييفكر في حياته فكر في في المرتب يفكري هيدفع جمعية ازاى - 00:08:16

بيفكر في عياله بييفكر في حاله مع الله. كل دي خواطر نافعة. ودي مش مزعلياني في حاجة ومش كلامي مش هيكون عليها اكيد لأن دوت الخواطر دي اصلا نافعة. سواء بييفكر في خواطر تنفعه في دنياه. زي اللي بييفكر في شغله وعمله وشهادته. ومذاكرته والجمعية -

00:08:38

والفلوس والدخل وهجيب فلوس منين واصرف على العيال منين؟ دي خواطر نافعة لانها تنفع في دنياه على الاقل. ومش حرام وفي

خواطر اعلى وهي خواطر اللي تنفعه في الآخرة كمان زي تفكيره في حاله مع الله في سيناته في ذنبه الماضية في تفكره في -

00:08:57

في تقصيره في الصلاة تفكروا في القرآن ده اكيد. كل دي خواطر نافعة انا اكيد كلامي مش على ديت لأن ديت مهمما زادت مهمما

طربت عقلك هي لا تضر بل هي نافعة دائمًا - 00:09:16

وفي خواطر بتعدي علينا كلنا كده اللي هي ايه؟ اللي هي بيتجي من حديث النفس زي ايه مسلا؟ زي واحد مسلا بكرة عنده امتحان

دماغه على طول مشغولة بالامتحان. دي برضو ما تهمنيش - 00:09:31

مجرد ما تمحن بكرة كل ده هيروح واحد فرحة كمان يومين فدماغه على طول في الفرح وفي في البيء وفي القصة وال حاجات اللي

ما خلصتش في البيت والكلام ده. ده ما يهمنيش - 00:09:47

دي حاجات كده ايه عبارة عن حديث نفس مرتبط بحدس هو كده كده انت موجود فيه. ودي مجرد ما الحدس يخلص هتروح لوحدها لا وسوسه ولا هي من الخواطر اللي انا عايز اتكلم فيها لأن دي حاجة ما تنفكش مش ممكن واحد فرحة بكرة مش هييفكر فيه.

ولا واحد امتحانه بكرة مش هيشغله. ولا واحد ابنه مسلا - 00:10:00

في عملية مش هيبقى مشغول به. كل ده مش شاغلني انا مش في بالي لا الافكار اللي هي النافعة. لأن ديت كويسة اصلا. ولا كلامي

على الحديث النفسي بسبب امر اصلا كده كده بيشغلك. ده غصب عنك. وكده - 00:10:18

كده اول ما الامر ده بيعتله الكلام ده بيروح لوحده انا النهاردة هتكلم على الافكار بقى الايه؟ اللي هي خاطر مش وسوسه بقى ها؟

مش وسوسه. لأن مش وسوس. الوسوس اتكلمنا عنه المرة اللي فاتت - 00:10:32

الخاطر السيء ايه الخاطر السيء ده بقى الخاطر السيء هو افكار سيئة بتأتي للانسان زي واحد جاله خاطر كفري كده يعني فكرة كفرية

يعني جه في باله كده هو طب ما ممكن يكون الاسلام غلط. شفت شفت الخاطر ده عدى كده - 00:10:45

طب آآ طب ما يمكن المسيحيين هم اللي صح خاطر كده عدى مش وسوس آآ طب ما طب افرض آآ ما طلعش فيه دار اخر حاجة

كده عدت اه طب هو ليه ربنا مش بينصر المسلمين؟ هو كده ممكن ما ييقاش فيه ربنا - 00:11:04

بيحصل الخواطر دي بتعدي على الانسان دي خواطر في العقيدة تمام؟ خاطر عدى كده مسلا طب ما طالما ربنا كتب اعمال العباد طب

ما هو كده يبقى اكابرهم طب ما كده ممكن يبقى ربنا زلم العباد خاطر كده عدى عليك - 00:11:22

اعمل معه ايه او خلينا نقول خواطر بقى في الاعمال. انا كده ضربت لك مثال بص هي الخواطر يا جماعة على آآ انواع في خواطر

متعلقة بالعقيدة زي اللي قلتها لك ديت شفت الخواطر اللي انا قلتها دي بيتجي لاي واحد - 00:11:38

تعدي كده صح في نوع ثاني من الخواطر خاطر ثاني زي خواطر متعلقة باعمال القلوب يعني ايه اعمال القلوب اعمال القلوب السيئة

بقي اللي هي ايه؟ اللي هي مسلا الحسد - 00:11:56

هاتف قلبه كده يعني يعدي عليه حسد كده. يعمل ايه او خاطر مسلا ان هو عدى عليه الشناوي احب ما يكرره الله في لحظة كده  
البنت كده عدى في قلبها ان هي بتحب التبرج - 00:12:14

وانى شایفة الحجاب ده مش اه ما بقتتش احبه زي الاول. خاطر كده عدى مش او خاطر مسلا سيء زي ايه؟ سوء الزن لحظة كده جاء

له الشيطان في لحظة بدأ يبص لواحد ويسيء به الظن بلا سبب - 00:12:31

بلا سبب ما فيش اي سبب ان هو يسيء به الزن. بس هو بدأ يسيء به الزن. يقول له انا حاسس ان هو حاسس ان هو بيعمل لي حاجة

كل دي خواطر بس متعلقة بايه باعمال القلب - 00:12:47

يبقى قلنا مسال على خواطر متعلقة بالعقيدة مسال على خواطر متعلقة باعمال القلب زي الرياء. ممك الرياء يعني عليك كخاطر ان

انا كنت بصلي الناس صوتي حلو وبعد كده حسيت ان ايه اندمجت فجالي خاطر الرياء. حسن صوتك عشان الناس - 00:12:59

خاطر برضه بيعدى على اي حد فينا نعمل معه ايه في بقى خواطر متعلقة بالاعمال بقى الجوارح اللي هو خاطر متعلق بحاجة هعملها

بالجوارح فعلًا زي ايه؟ زي واحد مسلا دلوقتي جه في باله انا عايز اقوم من دلوقتي اتفرج على الاباحية - 00:13:18

جا له طلبت معه يتفرج على الاباحية دلوقتي بنت مسلا جالها خاطر عايزه مسلا ولد بعت لها رسالة وكان بيكلمها كلام يعني فيه حب

وكده وهي مطنشاه. فمرة واحدة في لحظة ضعف كده جا لها خاطر ايه ترد عليه - 00:13:37

او هي كانت مش بتتفرج على اغاني ولا افلام فمشغلين في البيت فيلم كانت هي بتحبه. فجاء لها خاطر كده طب ما اقوم اتفرج عليه

او ولد جا له خاطر يعاكس بنت - 00:13:58

او جا له خاطر يعمل عادة السيئة لو جا له خاطر في رمضان اقوم افتر. آهافطر شفتم الامسلة دي؟ انا بس عايزك تستوعب انا بتتكلم

في ايه مش بتتكلم في وسوسه مجرد خاطر عدى على واحد - 00:14:14

تمام الخاطر ده حكمه ايه لأن كل اللي انا قلتة ده انا متأكد وانتم قولوا لي صح ولا غلط الامسلة اللي انا قلتها دي بتتعدي علينا كلنا ما

فيش حد فينا سالم - 00:14:31

المخاطر ديت سواء سواء المتعلقة باعمال القلوب زي الحسد وسوء الظن والرياء. والجاجات دي او متعلقة بحاجة حاعملها بالجوارح

زي ان انا آآ طلبت معي اعمل حاجة غلط حاجة شمال حاجة مش محترمة حاجة مسلسل فيلم اسمع اغنية امشي مع - 00:14:48

تعمل عادة السيئة كل ده بييجي ما حدش يحسني ان هو ملاك كلنا بيعدى علينا الخواطر ديت معلش انت بتبقى ماشي في الشارع

بيجي لك خاطر طب ما بتص على البنت - 00:15:12

وانست بييجي لك خاطر طب ما ابص على الولد اللي بيتص علي في الدفعه كل دي ايه وتعدي علينا حلو طيب القاعدة الاولى ان هذه

الخواطر لا مفر منها يعني - 00:15:25

لا يمكن ان يسلم منها احد ادي الخواطر لا مفر منها لا يمكن ان يسلم منها احد خلاص يبقى دي القاعدة الايه الاولى عشان ما تعتقدش

ان حصول الخاطر ده - 00:15:45

يضر دينك او ان هو ده زنب. لأن مجرد ورود الخاطر الى الان ما فيش مشكلة المشكلة زي ما حقول لكم بعد لما اكمل هتفهموا فين

امتنى هتبيجي المشكلة حلو الكلام - 00:16:02

طيب وعلى فكرة الخواطر ديت اللي انا قلتها دي انا قلت لا يسلم منها احد صح لا يسلم منها احد ولا الانبياء تاني هذه الخواطر لا

يسلم منها احد بل لم يسلم منها الانبياء - 00:16:17

تعالوا اديكم امثاله يوسف عليه السلام في قوله تعالى ولقد همت به وهم بها لولا ان رأى برهان ربها طبعا همت به دي مفهومه. هي

همت به ناوية تعمل وعازمه وخلاص هتعمل - 00:16:42

وهم بها دي طبعا اختلقو فيها. بس في احد الاقوال انهم يوسف كان خاطر عابر يعني زي طبيعة نفس مشاريع واحدة همت به

فخطر جا له خاطر كده سريع - 00:16:59

وبعد كده دفعه سريع زي سحابة صيف دفعوا بالايام بالله تعالى. لولا ان رأى برهان ربها طبعا البرهان دي فيها كلام كتير بس عموما

ودفعه بتذكر الله وبقوة الايمان اللي - 00:17:15

دفعه بذلک يبقى ادي يوسف عليه السلام صح قول الله تعالى في سورة البقرة ام حسبتم ان تدخلوا الجنة ولما يعلم الله الذين ولما يأتكم مثل الذين خلوا من قبلكم - 00:17:30

مستهم الأساس والضراء وزلزوا حتى ها حتى يقول الرسول ها والذين امنوا معه متى نصر الله متى ايه؟ متى نصر الله يعني وصل لمرحلة اللي هو هو فين اين النصر الذي وعدنا - 00:17:51

متى سيأتي فده خاطر خاطر كده من شدة البلاء عدى عليه برضو اللي بيقول ده هل الانبياء معصومون الخاطر ده يا جماعة اصلا ما لوش علاقة بالعصمة لان ده زي ما قلنا الخاطر ده من الحاجات اللي من جبلا البشر - 00:18:11

مش الانبياء يا جماعة بشر النبي بيمرض ؟ اه. بيموت ؟ اه. بيدخل الخلاء؟ اه. بيأكل بيشرب اه لانه بشر الحاجات اللي هي من طبيعة البشر الانبياء بتحصل لهم والخواطر ديت من طبيعة البشر - 00:18:31

الانبياء مش معصومين من ورود الخواطر وانما معصومين من ضرر الخواطر. ان الخاطرة تستقر. او ان هي تضر او تحول الى عقيدة او عمل واما ورود الخاطر مع دفعه ده اصلا لا يضر بل هو اجر - 00:18:49

الانسان اذا دفع الخاطر السيء يؤجر يأثم فالانبياء مش معصومين من ورود الخواطر السيئة آآ اللي هي سحابة صيف بتعدى عليهم لانهم يدفعونها بحسن الزن بالله والتوكيل عليه فيؤجرون وبالتالي هم بيزلوا في دائرة الایه؟ العصمة - 00:19:05

خد بقى المسال الاصعب. المسال الاصعب سورة يوسف عليه السلام قال تعالى حتى اذا ايه؟ في اخر السورة لانك لاول مرة تسمع الایة ديت حتى اذا استيأس الرسل سمعتها دي قبل كده - 00:19:25

حتى اذا استيأس الرسل وزنوا انهم قد كذبوا وزنوا انهم قد كذبوا تاني حتى اذا استيأس الرسل وظنوا انهم قد كذبوا طبعا كوزبيو دي فيها اقوال بس احد الاقوال ان الانبياء - 00:19:42

من شدة البلاء جاء لهم خاطر انهم قد كذبوا فيما وعدوا من الله بالنصر تخيل يعني الشيطان استغل لحظة شدة البلاء وبدأ يحاول يدخل في عقل النبي او نفس النبي ويحث له الخاطر بتاع اين النصر؟ لقد - 00:20:04

كذبت فيما وعدت من النصر بس اللي فسر التفسير ده قال ان ده مش مش ظن مستقر عندهم. انما خاطر عدى عليهم ودفعوه بحسن الزن في الله ودفعوه بالتوكيل على الله ودفعوه بالاستعاذه من الشيطان - 00:20:26

خدنا بانا من الملاية ديت وزنوا انهم قد ايهم كذبوا تمام؟ فايهم على احد الاقوال ان هم ان خاطر جاء لهم ان هم قد كذبوا فيما وعدوا في من النصر - 00:20:47

تمام؟ لكن يحمل هذا التفسير على انه خاطر ودفعوه فاجروا على دفع الخاطر. ولم يستقر وده بيحصل لنا كلنا يا جماعة. معلش احنا لما بنشفو اللي بيحصل للمسلمين في سوريا بيحصل لهم في فلسطين. ان احنا بنقعد ندعى بقى لنا عشرات السنين بندعي بالنص.

احيانا بيجي انسان لحظة ضعف كده - 00:21:01

فيجي في باله يقول ففين رينا فين النصر طب فين فين الكلام؟ فين اللي بنقراه في القرآن؟ بس عباره عن ايه خاطر وبعد كده الانسان يفوق يقول اعوذ بالله من الشيطان الرجيم يعني - 00:21:25

استغفر الله يعني الواحد استغفر الله ايه اللي بيجي في دماغ الواحد ده استغفر الله صح؟ بيحصل طيب هنا بقى السؤال بقى اللي بنسأله ان ان طالما كلنا بيحصل لنا كده - 00:21:39

اه القاعدة الثانية احنا قلنا القاعدة الاولى ان الخاطر لا يسلم منه احد الخاطر ايه لا يسلم منه احد اذا خلاص اتعامل معه ان ده من الحياة البشرية اللي بتحصل لاي حد - 00:21:53

وبالتالي السؤال اللي جاي طيب ايه الحل؟ ايه العمل؟ ايه الحكم يبقى الایه؟ المحور الثاني هو امتى بقى يضرني اه هنا بقى نقول ابن القيم رحمة الله عليه كان بيقول واعلم - 00:22:08

واعلم ان ورود الخاطر لا يضر وانما يضر استدعاوه ومحادته. يعني ايه الكلام دوت ابن القيم بيقول ان مرور الخاطر لا يضر القاعدة

بتقول الخاطر اذا مر لا يضر اكتبوها - 00:22:24

الخاطر اذا مر لا يضر وانما يضر اذا استقر تاني الخاطر اذا مر لا يضر وانما يضر اذا استقر ابن القيم بيضرب مثال على الموضوع دوت واحد معدى على الطريق كده. واحد مشاغب - 00:22:52

معدى على الطريق هو كده كده هيعدى هو مش واحد بالله منك. هو هو بيشفى كده بس فلو انت سكت وسبته في حاله عدى خلاص مش هيضرك صح لكن لو ناديت عليه قلت له تعالى - 00:23:22

هيجي لك ويقعد معك ويبدأ يأذيك بكلامه ويضرك يبقى بالضبط كده الخاطر كده. اذا مر لا يضر وانما يضر اذا ايه؟ اذا استقر تمام لزلك الامام النووي بيقول والخواطر اذا لم تستقر - 00:23:39

ويستمر عليها صاحبها فانها مغفول عنها الامام النووي رحمة الله تعالى بيقول الخواطر اذا لم تستقر ويستمر عليها صاحبها مغفو عنها باجماع العلماء لانه لا اختيار له في وقوعها. خد بالك - 00:23:58

لأنه لا اختيار له في وقوعها يعني هو غصب عنك دي بتيجي غصب عنك ازاي اتحاسب على حاجة هي رغمما عنني ولا طريق له الى الانفكاك عنه وهذا الذي اخبر عنه صلى الله عليه وسلم بقوله - 00:24:16

ان الله تجاوز لامتي ان الله تجاوز لامتي ما حدثت به نفسها ما لم تتكلم به او تعمل ان الله تجاوز لامتي ما حدثت به نفسها ما لم تتكلم به او تعمل - 00:24:35

وده اللي احنا قلناه تتكلم به او تعمل هو ده ايه؟ هو ده معنى الاستقرار. ما انا طالما الحاجة اللي جات لي خواطر بدأ اتكلم بها واتفاعل معها وعجبتني وبدأت اعمل رد فعل - 00:24:55

او ان انا بدأ اعمل بها بالفعل ما هو ده دليل على ان هي استقرت. يبقى هنا يبدأ الایه يبدأ الضرر يبدأ الضرر تمام واحد جا له خاطر كده ايه ان انا عايز آآ عايز آآ اعمل عادة سيئة. فقام فعلاً وبدأ يحضر - 00:25:10

استخبي والكلام ده خلاص هيؤخذ بقى بالخط لان هو بدأ فعلا التنفيذ تمام؟ واحدة بتسيئ الزن بصاحتها. من غير اي سبب. ما فيش اي سبب ولا قرينة ولا دليل على سوء الزن دوت - 00:25:30

وبدأت فعلاً هي تبعد عنها اه وتتجنبها وتحذر منها يبقى انت هتأخذني الزلم ده وبالخواطر اللي حصلت لان ده كده تحول الخاطر الى افعال الى افعال طيب خلينا آآ نتصور المسألة - 00:25:44

الثلاث حاجات اللي احنا قلناهم الاول. فاكررين احنا قلنا الخواطر تلات انواع في خواطر عقدية كفرية تمام؟ وفيه خواطر متعلقة باعمال القلوب زي الحسد والرياء والكلام دوت. وفيه خواطر متعلقة باعمال الجوارح اللي هو بقى واحد هيروح ايه؟ هيروح - 00:26:07

يتفرج على حاجة هيروح يكلم بنات هيروح يعمل حاجة الكلام اللي احنا ايه قلناه تمام تعالى نمسك كل واحدة ونشوف تفسيرها ايه في قول النبي عليه الصلاة والسلام ان الله تجاوز لي لامتي عما حدثت به نفسها ما لم تعمل به او تتكلم او ما لم تتكلم - 00:26:24 تبعي وتعمل لو احنا قلنا الخاطر الكفرى الخاطر الكفرى ايه هو العمل بالخاطر الكفرى؟ ما هو عمل كل شيء بحسبه يعني ايه؟ يعني يعني الخاطر الكفرى متى يضر يضر اذا - 00:26:46

انعقد عليه القلب واستقر في القلب تاني الخاطر الكفرى متى يضر اذا استقر في القلب وركن القلب اليه وسكن اليه واعتمده خلاص. وانعقد عليه بمعنى واحد جاء له كده خاطر كده عدى عليه ان ما - 00:27:05

زي ما قلنا كده مسلا شاف المسلمين مذلومين في كل مكان قال لك طب فين ربنا؟ خاطر كده عدى عليه الى الان لا يضرك طالما دفعت وخلاص لكن فعلاً وصل قعد يفكر كثير - 00:27:36

وطلع بنتيجة فعلاً مستقر في قلبه ان هو مش ما فيش ربنا فعلاً مش يحتاج يتكلم بقى هنا يعني حديث بيقول يتكلم به ازا كان مثله يتكلم به. لكن ممكن الوسوس او الخاطر الكفرى - 00:27:47

مش يحتاج اتكلم به واحد خلاص استقر في قلبه انه لا يوجد الله لو واحد قعد يسمع بعض الایه الفيديوهات اللي فيها شبكات آآ

بعض الفيديوهات اللي فيها شبهات اه عن الاسلام او اللي هي بتزين الالحاد - 00:28:05

ففي الاول كان يسمع بس وبعد كده بدأ خواطر تيجي له وبعد كده سمع اكتر وبعد كده استقر فعلا في نفسه ان هذا الكون خلق صدفة وانه لا يوجد خالق لهذا الكون. استقر فعلا مش وسوسه ومش خواطر عابرة - 00:28:29

هنا بيبدأ يضر هزا الامر ويبيقي حكمه حسب الايه ما اعتقاده تمام آآ واحد مثلا آآ بيعتقد زي ما بعض الناس فعلـا هناك في صنف زي دوت بيعتقد ان ان ايـه المشكلة ان اـحـنا - 00:28:48

يعني ما نؤمنش بالرسل تمام يكفي الانسان يؤمن بالله. وبالتالي عنده كل بقى كل الملل صحـحة تمام آآ النصرانية يهودية كل ده من فمـمـكن يكون خاطـر عـدى عليه يقول ايـه المشـكلـة؟ يعني حد ما امنـش بـسيـدـنا مـحمد طـالـما اـمـن بـسيـدـنا عـيسـى - 00:29:12

كان في الاول خاطـر ودفعـه بـس بعد كـده استـقرـعـنـده ان لا يوجد مشـكلـةـ. المـهم اـنـسـان يـؤـمـن بالـلـه ولا دـاعـي لـتـفـصـيلـ في مـسـأـلةـ الاـيـاهـ بالـاـنـبـيـاءـ. والـلـيـ يـؤـمـنـ باـيـ نـبـيـ الدـنـيـاـ تـمـشـيـ معـهـ وـخـلاـصـ. هنا تحـولـ 00:29:36

خاطـرـ دـهـ العـابـرـ الىـ شـيـءـ انـعـقـدـ عـلـيـهـ قـلـبـهـ وـاسـتـقـرـ فـيـهـ وـبـدـأـ يـعـتـقـدـ وـخـلاـصـ وـرـكـنـ اليـهـ وـسـكـنـ. وهـيـ دـيـ العـقـيـدةـ ايـهـ هـيـ العـقـيـدةـ؟ـ هـيـ مـجـمـوعـةـ مـعـانـىـ وـافـكـارـ وـتصـورـاتـ تـسـتـقـرـ فـيـ نـفـسـ الانـسـانـ 00:29:50

فـازـاـ الخـاطـرـ دـهـ تحـولـ الىـ مـعـتـقـدـ هـنـاـ الضـرـرـ. وـيـأـخـذـ حـكـمـ بـقـىـ خـاطـرـ اللـيـ جـاـهـ دـوـتـ دـيـ فـيـ مـسـأـلةـ الاـيـاهـ؟ـ العـقـيـدةـ طـيـبـ مـسـأـلةـ الـاـعـمـالـ القـلـبـيـةـ اللـيـ هـيـ زـيـ ماـ قـلـنـاـ ايـهـ 00:30:06

زيـ الكـبـرـ العـجـبـ الحـسـدـ الـرـيـاءـ سـوـءـ الزـنـ بـالـمـسـلـمـيـنـ دـيـتـ قـلـنـاـ مـمـكـنـ تـبـقـىـ خـاطـرـ تـعـدـيـ. اـمـتـىـ بـقـىـ فـعـلـاـ وـاخـذـ عـلـيـهاـ اـزاـ فـعـلـاـ

تحـولـتـ الىـ عـلـمـ. زـيـ ايـهـ زـيـ مـسـلـاـ وـاحـدـ عـدـىـ عـلـيـهـ خـاطـرـ الـرـيـاءـ 00:30:20

لاـ هوـ هوـ كـانـ فيـ الاولـ عـدـىـ عـلـيـهـ بـسـ هوـ عـجـبـهـ الاولـ ماـ كـانـشـ يـضـرـهـ كـانـ هـيـدـفـعـهـ وـخـلـصـتـ. لـأـ عـجـبـهـ فـرـكـنـ اليـهـ وـبـدـأـ فـعـلـاـ تـحـولـ منـ

نيـتـهـ اـنـهـ كـانـ لـلـهـ تـحـولـ اـنـ نـيـتـهـ بـقـتـ مـنـ اـجـلـ اـنـ يـقـالـ كـزاـ وـيـقـالـ كـزاـ. هـنـاـ خـاطـرـ يـضـرـهـ لـاـنـهـ استـقرـ 00:30:43

وـزـيـ ماـ قـلـنـاـ وـاحـدـ كـانـ بـيـسـيـهـ الـظـنـ بـصـاحـبـهـ اوـ باـخـيـهـ اوـ باـختـهـ وـماـ فـيـشـ ايـ دـلـيـلـ عـلـىـ اللـيـ اـنـتـ الزـنـ اللـيـ اـنـتـ بـتـزـنـهـ فـيـهاـ. وـبـدـأـ

يـكـرـهـهـ فـيـ اللـهـ بـلـاـ سـبـبـ. وـبـدـأـ يـعـادـيـهـ وـبـدـأـ يـبـعـدـ عـنـهـ 00:31:04

لـأـ اـنـتـ كـدـهـ بـقـىـ خـلاـصـ دـهـ مشـ خـاطـرـ بـقـىـ استـقـرـ وـبـدـأـ يـتـحـولـ الىـ ايـهـ؟ـ الـلـهـ عملـ الـكـبـرـ مـسـلـاـ وـاحـدـ ايـهـ جـاـلـهـ كـدـهـ خـاطـرـ كـدـهـ

فـيـ لـحـظـةـ. فـيـ وـاحـدـ دـفـعـهـ 00:31:20

وـفـيـ وـاحـدـ اـسـتـمـرـ مـعـهـ وـبـدـأـ فـعـلـاـ يـشـعـرـ فـيـ قـرـارـةـ نـفـسـهـ. اـنـ اـفـضـلـ مـنـ كـلـ النـاسـ لـازـمـ تـعـامـلـنـيـ وـاـنـاـ بـدـأـ ايـهـ خـلاـصـ لـأـ

بـدـأـ فـعـلـاـ بـيـعـتـقـدـ هـزـاـ الـاـمـرـ وـاسـتـقـرـ عـنـدـهـ. هـنـاـ بـيـدـأـ ايـهـ 00:31:31

يـبـدـأـ يـحـاسـبـ عـلـىـ خـاطـرـ وـعـلـىـ الـعـلـمـ السـيـئـ خـلاـصـ فـهـمـنـاـهـاـ كـدـهـ فـيـ العـقـيـدةـ. وـفـهـمـنـاـهـاـ فـيـ اـعـمـالـ القـلـوبـ فـاضـلـ ايـهـ؟ـ اـعـمـالـ الجـوارـحـ

اعـمـالـ الجـوارـحـ اـعـمـالـ الجـوارـحـ اـمـتـىـ خـاطـرـ دـهـ يـضـرـلـاـ لـوـ فـيـهـ سـبـبـ لـسـوـءـ الزـنـ مشـ هـيـبـقـىـ حـرـامـ 00:31:47

تمـامـ؟ـ وـاحـدـ فـعـلـاـ فـعـلـاـ فـيـ سـبـبـ وـاضـحـ جـداـ اـنـ اـصـيـبـ الزـنـ دـهـ مـوـضـوـعـ تـانـيـ. عـشـانـ كـدـهـ رـبـنـاـ قـالـ انـ بـعـضـ الزـنـ اـسـمـ مشـ كـلـ الزـنـ

اـنـ تمـامـ عـمـلـ بـقـىـ اـنـ جـالـيـ خـاطـرـ فـيـ اـحـدـ الـاـعـمـالـ. لـأـ اللـيـ عـايـزـ يـعـرـفـ فـرـقـ بـيـنـ خـاطـرـ وـلـوـسـوـسـةـ يـرـجـعـ لـلـاـيـفـ اللـيـ فـاتـ بـقـىـ 00:32:11

قـعدـنـاـ فـيـهاـ الشـوـيـةـ دـيـتـ اللـيـ هـوـ سـمـيـنـاهـ التـخلـصـ النـهـائـيـ القـضـاءـ النـهـائـيـ عـلـىـ الـوـسـاوـسـ الـكـفـرـيـةـ وـوـسـاوـسـ ايـهـ؟ـ الطـهـارـةـ طـيـبـ وـاحـدـ

يـبـقـيـ دـلـوقـتـيـ اـنـ آـاهـ جـاـلـهـ خـواـطـرـ فـيـ الـاـعـمـالـ بـقـىـ يـعـنـيـ جـاـلـهـ زـيـ وـاحـدـ جـاـلـهـ خـاطـرـ اـنـ يـزـنـيـ 00:32:27

جاـلـهـ خـاطـرـ اـنـ هـوـ يـشـرـبـ خـمـرـ، جـاـلـهـ خـاطـرـ اـنـ هـوـ يـتـفـرـجـ عـلـىـ فـيـلـمـ. جـاـلـهـ خـاطـرـ اـنـ هـوـ يـشـوـفـ اـبـاحـيـةـ، جـاـلـهـ خـاطـرـ اـنـ هـيـ تـقـلـعـ

الـحـجابـ جـالـهـ خـاطـرـ اـنـ هـيـ تـخـشـ تـسـمـعـ الـبـيـ تـيـ اـسـ تـانـيـ. جـاـلـهـ خـاطـرـ اـنـ هـيـ تـشـوـفـ آـآـ فـيـلـمـ مـسـلـسـلـ تـرـكـيـ تـانـيـ. خـلاـصـ بـقـىـ فـتـحـتـ

00:32:46

وـبـدـأـ اـمـتـىـ بـقـىـ يـؤـخـزـ لـغـاـيـةـ دـلـوقـتـيـ لـوـ جـالـهـ خـاطـرـ وـدـفـعـهـ هـنـشـوـفـ دـلـوقـتـيـ حـكـمـ ايـهـ لـكـنـ لوـ اـنـهـ اـسـتـرـسـلـ وـبـدـأـ يـتـحـولـ لـأـ ماـ بـقاـشـ

خـاطـرـ بـقـىـ اـرـادـهـ وـبـقـىـ عـزـيمـةـ ثـمـ اـنـتـقـلـ عـلـىـ دـائـرـةـ الـفـعـلـ 00:33:05

بدأ يعمـل اجراءات عـلـشـان يـنـفـز هـذـا الـخـاطـرـ. بدأ يـشـوفـ الجـهاـزـ بـقـىـ وـيـبـتـدـيـ يـفـتـحـ عـشـانـ يـدـورـ عـلـىـ الـابـاحـيـةـ بدـأـ يـقـلـبـ فيـ التـلـيـفـزـيـوـنـ عـشـانـ يـشـوفـ المـسـلـسـلـ بدـأـتـ انـ هيـ تـشـوفـ بـقـىـ بدـأـتـ تـطـلـعـ هـدـومـ التـبـرـجـ عـشـانـ خـلاـصـ هيـ خـلاـصـ خـلاـصـ الحـجـابـ دـهـ كـفـاـيـةـ كـدـهـ - 00:33:24

بدأ يتحول لـعملـ فـعـلـاـ بدـأـ يـدـورـ عـلـىـ نـمـرـةـ الـبـنـتـ فـيـ الـمـوـبـاـيـلـ عـشـانـ خـلاـصـ هـيـكـلـمـاـ بدـأـتـ بـتـرـدـ فـعـلـاـ بـتـكـتـبـ رسـالـةـ عـلـىـ الوـاتـسـ عـشـانـ تـرـدـ عـلـىـ الـوـلـدـ الـلـيـ بـيـحـبـهاـ بدـأـ فـيـ اـجـرـاءـاتـ حـقـيقـيـةـ - 00:33:48

ما بـقاـشـ مـجـرـدـ ايـهـ خـواـطـرـ بـقـىـ فـيـ عـمـلـ تـامـ؟ فـهـنـاـ بـقـىـ يـبـدـأـ الـايـهـ؟ تـعـالـ بـقـىـ تـبـدـأـ تـتـحـاسـبـ عـلـىـ عـمـلـ دـوـتـ خـلاـصـ فـهـمـناـ كـدـهـ مـتـىـ يـضـرـ دـيـ اـحـنـاـ دـيـ دـهـ الـمـحـورـ الـتـانـيـ. مـتـىـ يـضـرـ الـايـهـ؟ الـخـاطـرـ - 00:34:01  
وـهـ دـهـ تـفـصـيلـ فـيـ الـلـيـ اـحـنـاـ قـلـنـاهـ آـآـ انـ الـخـاطـرـ اـذـاـ مـرـ لـاـ يـضـرـ وـانـمـاـ يـضـرـ اـذـاـ اـسـتـقـرـ. وـكـلـمـةـ اـسـتـقـرـ دـيـ هـيـ دـيـ التـفـصـيلـ الـلـيـ اـنـاـ قـلـتـهـ دـلـوقـتـيـ. يـعـنـيـ ايـهـ اـسـتـقـرـ - 00:34:20

يـعـنـيـ ايـهـ اـسـتـقـرـ فـيـ عـقـيـدـةـ؟ يـعـنـيـ ايـهـ اـسـتـقـرـ فـيـ اـعـمـالـ القـلـوبـ؟ يـعـنـيـ ايـهـ اـسـتـقـرـ فـيـ اـعـمـالـ الـجـوـارـجـ تـعـالـوـاـ بـقـىـ نـاخـدـ شـوـيـةـ اـحـادـيـسـ وـاـدـلـةـ عـشـانـ هـتـزـيدـ المـسـأـلـةـ وـضـوـحـ الـحـدـيـسـ الـاـولـ هـنـفـهـمـ مـنـهـ - 00:34:33  
ايـهـ الـحـكـمـ بـقـىـ لوـ اـنـاـ دـفـعـتـ الـخـاطـرـ السـيـئـ؟ اـنـتـ قـاعـدـ تـقـولـ لـنـاـ بـسـ الـحـاجـاتـ الـلـيـ ضـدـنـاـ؟ مـاـ تـقـولـ بـقـىـ الـخـيرـ بـقـىـ الـلـيـ مـعـنـاـ. تـعـالـ دـهـ اـنـاـ هـدـيـكـ هـدـيـةـ دـلـوقـتـيـ هـدـيـكـ هـدـيـةـ عـسـلـ - 00:34:48

بـصـ الـحـدـيـسـ دـهـ. النـبـيـ عـلـيـهـ الصـلـاـةـ وـالـسـلـاـمـ بـيـقـولـ ايـهـ يـاـ جـمـاعـةـ؟ بـيـقـولـ انـ اللـهـ كـتـبـ الـحـسـنـاتـ وـالـسـيـئـاتـ يـعـنـيـ كـتـبـ ايـهـ الـاعـمـالـ الصـالـحـةـ؟ وـايـهـ الـاعـمـالـ السـيـئـةـ؟ وـبـيـنـهـاـ لـلـنـاسـ تـمـامـ ثـمـ بـيـنـ ذـلـكـ - 00:35:00

ثـمـ بـيـنـ ذـلـكـ فـمـ هـمـ بـحـسـنـةـ فـلـمـ يـعـمـلـهـاـ كـتـبـهـ اللـهـ عـنـدـهـ حـسـنـةـ كـامـلـةـ. اللـهـ اـكـبـرـ فـمـ هـمـ بـحـسـنـةـ دـهـ مـوـضـوـعـ اللـصـ دـهـ دـهـ اللـيـ قـلـنـاـ مشـ هـتـكـلـمـ فـيـ بـسـ هوـ الـمـوـضـوـعـ جـمـيـلـ. مـنـ هـمـ بـحـسـنـةـ فـلـمـ يـعـمـلـهـاـ كـتـبـتـ لـهـ حـسـنـةـ كـامـلـةـ - 00:35:14  
يـعـنـيـ كـانـ نـاوـيـ دـلـوقـتـيـ يـقـومـ يـصـليـ رـكـعـتـيـنـ. بـسـ حـصـلـ ظـرـوفـ وـبـتـاعـ وـحدـ شـغـلـهـ لـلـاسـفـ ماـ صـلـاـشـ ماـ صـلـاـشـ فـيـكـتـبـ لـهـ يـاـخـدـ حـسـنـةـ. مشـ هـيـاـخـدـ عـشـرـةـ. هـاـخـدـ حـسـنـةـ كـانـتـ نـاوـيـةـ تـتـصـدـقـ عـلـىـ مـسـكـيـنـ. فـنـزـلتـ آـآـ دـوـرـتـ عـلـيـهـ مـاـ لـقـتوـشـ - 00:35:37  
قالـتـ لـاـ قـدـرـ اللـهـ شـاءـ اللـهـ ايـهـ حـسـنـةـ كـامـلـةـ. تـمـامـ لـمـ يـعـمـلـهـاـ مـجـرـدـ هـمـ بـسـ قـالـ اـنـاـ طـبـ اـتـصـلـ بـفـلـانـ ايـهـ؟ اـقـولـ لـهـ كـلـمـةـ طـبـيـبـةـ. ماـ اـتـصـلـشـ - 00:35:57

يـاـخـدـ حـسـنـةـ كـامـلـةـ قـالـ وـمـ هـمـ بـهاـ فـعـمـلـهـاـ كـتـبـهـ اللـهـ عـشـرـ حـسـنـاتـ الـىـ سـبـعـمـائـةـ ضـعـفـ الـىـ اـضـعـافـ كـثـيـرـةـ وـانـ هـمـ بـسـيـئـةـ فـلـمـ يـعـمـلـهـاـ هـاـ ايـوـةـ الـخـاطـرـ الـلـيـ دـفـعـتـهـ دـهـ كـتـبـهـ اللـهـ عـنـدـهـ حـسـنـةـ كـامـلـةـ. اللـهـ اـكـبـرـ. كـرـيمـ وـالـلـهـ. كـرـيمـ يـاـ رـبـ - 00:36:12  
وـانـ هـمـ بـهاـ فـعـمـلـهـاـ كـتـبـهـ اللـهـ سـيـئـةـ وـاحـدـةـ حـتـىـ ماـ قـالـشـ سـيـئـةـ كـامـلـةـ. قـالـ سـيـئـةـ وـاحـدـةـ. بـيـبـيـنـ يـعـنـيـ انـ هـيـ مـمـكـنـ ايـهـ؟ كـمانـ اـسـتـغـفـاريـ يـطـيـرـهـاـ. سـبـحـانـ اللـهـ يـبـقـيـ اـنـاـ عـاـيـزـ اـقـولـ - 00:36:40

انـ اـحـنـاـ نـسـتـفـيـدـ الـحـدـيـسـ دـهـ فـوـاـيـدـ كـتـيـرـ الـفـايـدـةـ الـاـولـىـ انـ اـنـاـ اـسـتـكـثـرـ مـنـ النـوـاـيـاـ الـحـسـنـةـ. طـالـمـاـ النـوـاـيـاـ الـحـسـنـةـ عـكـسـ النـوـاـيـاـ السـيـئـةـ.  
الـاـفـكـارـ السـيـئـةـ لـوـ دـفـعـتـهـاـ ماـ تـأـمـشـ الـاـفـكـارـ الـحـسـنـةـ مـجـرـدـ اـنـتـ ماـ تـسـتـرـسـلـ مـعـهـ حـتـىـ لـوـ ماـ عـمـلـتـهـاـشـ بـتـاـخـدـ حـسـنـةـ - 00:36:55  
يـاـ عـمـ فـكـارـ حـسـنـةـ كـتـيـرـ قـلـ اـنـوـيـ الصـدـقـةـ وـانـوـيـ الـخـيـرـ وـانـوـيـ بـرـ الـوـالـدـيـنـ. وـانـوـيـ صـلـةـ رـحـمـ. الـلـيـ عـمـلـتـهـ عـمـلـتـهـ وـالـلـيـ ماـ عـمـلـتـوـشـ خـدـتـ عـلـيـهـ آـآـ كـتـرـ النـوـاـيـاـ عـشـانـ بـيـقـىـ سـبـعـمـيـةـ وـاضـعـافـ كـتـيـرـ طـبـ بـقـىـ الـلـيـ الـلـيـ يـهـمـنـيـ بـقـىـ فـيـ الـحـدـيـسـ الـلـيـ هـيـ الـجـاـيـزـةـ بـقـىـ منـ هـمـ بـسـيـئـةـ فـلـمـ يـعـمـلـهـاـ. الـلـيـ هـوـ اـعـكـسـ بـقـىـ هـوـ دـفـعـ الـخـاطـرـ السـيـئـ دـهـ بـلـلاـشـ! دـهـ صـعـبـ جـداـ! دـهـ عـلـيـهـ - 00:37:34  
عـلـيـهـ اـجـرـ يـاـ جـمـاعـةـ يـعـنـيـ اـنـاـ دـلـوقـتـيـ بـسـ مـجـرـدـ جـهـ فـيـ بـالـيـ بـسـ اـنـاـ خـاطـرـ بـسـ عـاـيـزـ اـبـصـ لـلـبـتـ الـلـيـ مـعـدـيـةـ يـعـنـيـ فـقـلـتـ لـأـ مشـ هـبـصـ دـيـ حـسـنـةـ اـنـتـ جـاـيـةـ فـيـ بـالـكـ طـبـ مـاـ - 00:37:50

مـنـزـلـ مـعـ الـبـنـاتـ زـيـ ماـ هـمـ قـالـوـاـ لـيـ كـدـهـ فـيـهـ اوـلـادـ بـسـ اـنـاـ قـاـعـدـةـ رـهـقـانـةـ باـنـزـلـ مـعـهـمـ وـخـلاـصـ لـأـلـأـ مشـ هـنـزـلـ مـعـهـمـ يـاـ حـسـنـةـ تـمـامـ؟ آـآـ طـبـ آـآـ اـنـاـ عـاـيـزـ وـحـشـتـنـيـ اـغـانـيـ الـبـيـ تـيـ اـسـ - 00:38:05

انا خشن اسمعها لا لا لا خلاص اسمع حسنا تمام لا اذا عايز عايز امل الموبايل تاني. بشوية المقاطع والافلام والمسلسلات والكلام ده  
لا لا خلاص بقى انا شلتها بقى خلاص استغفر الله. حسنا - 00:38:22

يلا ده جا لك خاطر كوفي فدفعت حسنة. جا لك جا لك خاطر آآ سوء زن. جا لك خاطر رباء دفعته حسنة. خاطر سوء زن دفعته  
حسنة كبر دفعته حسنة ده انا ما عملتش حاجة - 00:38:39

مجرد الدفع حسنات من هم بسيئة فلم يعلوها كتبها الله حسنة ها كاملة. كاملة طب ازا هم بها فعلها. هم كتب الله سيئة واحدة. شف  
من كرم ربنا ما قالش كاملة حتى النبي عليه الصلاة والسلام قال سيئة واحدة. فلو عملها ياخذ خلاص هي سيئة هيأخذها وهو بقى  
ایه؟ هو لو استغفر - 00:38:56

ان شاء الله تتمسح بس توبه طبعا صادقة نصوح تمام والكلام دوت طيب فهمنا الفكرة بيقى ديت كلام على الخواطر مش على  
الوسوسة. الوسوسة في الدرس اللي فات طيب دلوقتي آآ بيقى احنا فهمنا كده الحديث ده وفهمنا الفوائد المستنبطة منه. حلو -  
00:39:21

تعالوا ناخده بقى ايه ناخدوا حاجة هناخدوا حاجة تخوفك شوية حاجة هتفرحك شوية اي الحاجة اللي هتخوفك شوية؟ لو ان  
انسان نوى نوى عملا سينما جاله خاطر سيء في الاعمال - 00:39:39

وهم به حوله الى هم. وتحول الى اراده وعزيمة ثم انتقل الى خانة الفعل ولكنه منعه من الفعل مانع. تاني هنا هو ما دفعوش  
واسترسل معه ونوى وحولوا العزيمة وحوله لارادة - 00:39:57

وانطلق ناوي يعمل وبعد كده وهو بينفذ في حاجة منعه سهيل هل يأخذ الاسم ولا لأ ها تفتكروا ياخذ الاسم ولا لأ؟ فيه حاجة منعه  
ما عملش السيئة في الآخر - 00:40:28

بس منعه مانع مش هو مش هو اللي رجع. هو منع بقدر الله بس لو عليه انا هعملها هل ياخذ الاسم ام لا رغم انه ما عملش هل  
يؤخذ ويأخذ اللائم ام لا - 00:40:45

الاجابة صح برافو عليكم الاجابة يأتم. طبعا يأتم يأخذ الاسم لانه لم يمتنع من نفسه وانما منعه مانع انما ايه منعه مانع ولو المانع  
لفعل شفتم انتم اختلفتم في الاجابة. بس الصحيح انه يأتم. واجيب لك الدليل - 00:41:04

اجيب لك الدليل النبي، عليه الصلاة والسلام، مش ممكن الحديث ده تكونوا عارفين او مش عارفين. بس هاته لي من النت حلوا  
الحديث دوت قال عليه الصلاة والسلام ازا التقى المسلم ان - 00:41:35

ازا التقى المسلم ان بسيفيهما بسيفيهما القاتل والمقتول في النار فالقاتل والمقتول في النار فقالوا يا رسول الله هزا القاتل. يعني في  
النار ماشي. فما بال المقتول فما بال المقتول - 00:41:48

قال انه كان حريضا على قتل أخيه انه كان حريضا على قتل صاحبه خد بالك هي الحديث ده مش بيتكلم في واحد زالم واحد م Zukum  
لأ اثنين زلمة الاثنين مسلمين زلمة بيحاولوا يموتوا بعض والاثنين فاسدين الاثنين زلمة. مش واحد معندي وواحد بيدافع عن نفسه. لأ  
اللي بيدافع عن نفسه ده بيقى ايه - 00:42:14

من مات دون دمه فهو شهيد. ده موضوع تاني هو بيتكلم في اثنين بوجاهة اثنين زلمة ظلمة بيضربوا في بعض بيحاولوا يقتلوا بعض  
تمام؟ فيبيقول لو واحد فيهم اكيد هو اللي هيموت الاول. هيقول الاثنين في النار - 00:42:40

طب ليه الثاني طب المقتول لي في النار ليه قال لي ان هو يعني لولا ان الاولاني سبق كان هو اللي قتله يعني ما ما منعه من قتل  
اخيه الا ان هو مات - 00:42:58

انه كان حريضا على قتل صاحبه تمام؟ فايده؟ فعل الحديث على انه هم بالسيئة لكن منع منها بمانع قهري فاائم لانه لم يمتنع من تلقاء  
نفسه اه بالزبط كده. لو كانت جات له الفرصة كان هو اللي قتل - 00:43:11

بس هي ما جاتلوش الفرصة بيقى ده الحديث اللي هي الاولاني الحديث الثاني هيبيقى في برضو نفس المعنى بس جواه وفيه معنى  
تاني حلوا هنقوله قول النبي عليه الصلاة والسلام - 00:43:36

انما الدنيا لاربعة نفر تاني انما الدنيا لاربعة نفر. يعني الدنيا حاجة الناس حاجة من الاربعة عبد رزقه الله مالا وعلما فهو يتقي فيه ربها  
هاتوا الحديث ده يا ريت هاتوه عشان ده لازم يتقرأ. طويل قوي - 00:43:53

فهو يتقي فيه ربها ويصل فيه رحمه ويعلم لله فيه حقا. فهذا بأفضل المنازل واحد معه مال وعلم. وبيس تعمل ماله في خدمة دين ربنا.  
اكيد دعا على حاجة قال ورجل - 00:44:14

عبد رزقه الله علما ولم يرزقه مالا معه علم بس ما عهوش مال شايف صاحب المال بيقول يا رب لو كان عندي مال زيه وينزر لصاحب  
المال يقول لو ان لي مال - 00:44:31

لو ان لي مال فلان لعملت بمثل عملي قال فهما في الاجر سواء او فهو صادق النية بص خد بالك فهو صادق النية قال قال آآ قال  
 فهو بنيته فاجرهم سوء فهو بنيته فاجرهم ايه؟ سواء - 00:44:45

قال وعبد رزقه الله مالا ولم يرزقه علما ولم يرزقه علما معه مال وما عندوش علم فال التالي لا يتقي فيه ربها ولا يصل فيه رحمه ولا  
يعلم له فيه حقا - 00:45:09

ده بقى اسوأ المنازل قال الاخير بقى رجل اتاه الله لم يؤته الله لا علم ولا مال لا علم وقال لو ان لي مال جمال فلان لعملت  
بمثل عمله. قال فهو بنيته - 00:45:27

فوزرهم سوء. فهو بنيته فوزرهم سوء خد بالك هو ليه الاخير ده خد الوزر لانه منعه مانع وهو عدم وجود المال لانه لو كان له مال  
لفعل مثل فعل هذا الرجل - 00:45:45

فهمنا الفكرة وديت زي ما قلت لك الحديث ده فيه لمبة خضراء قوي ولمبة حمرا قوي اللمة الخضراء بتقول لك هو انت ايه اللي  
مانعك تاخذ اجر كل الدنيا اللي حواليك - 00:46:03

انا دلوقتي حدود امكانياتي انا راجل على قد حالي يا دوبك بصلبي وبحفظ قرآن. آآ طب ما تنوي اعمال الاخرين قل لو ان لي مال  
كمال فلان لعملت مسل عملي. بس فهو صادق النية لازم تكون صادق. تقول لو انا عندي ربنا سخر لي امكانيات زي الداعية الفلاني  
كنت عملت زيها. ولا - 00:46:17

ربنا اداني موهبة فلان كنت عملت زيها. ولو ربنا اداني امكانيات عقل فلان كنت عملت زيها. ولو انا عندي ظروف زي ظروف فلانة كنت  
عملت زيها صدق لم بقى لم كل الدنيا - 00:46:37

اجرهم سوء انت خسران ايه ان انت تنوي ده انت بخيل اوبي انوي يا عم انوي يا عم. بقى انت حطيت مع عملك كل الاعمال اللي  
نوتها بس الصدق تبقى نفسك لو انا عندي ظروف زي فلان كنت لو انا عندي اسلوب زي فلان كنت بقىت زيها. لو انا يا رب عندي فلوس  
زي فلان كنت بقىت زيها. نفسى ابقي زيها - 00:46:52

لو انت صادق والله تاخذ الاجر زيها بقى دي اللمة الخضرا الجميلة اللمة الخضراء ليه؟ الجميلة ايه اللمة بقى الحمرا اه وللاسف هي  
اللمبة الحمرا هي اللي شغالة اللمة الحمرا هي اللي شغالة وهي ايه - 00:47:17

ان كتير من الشباب هو زي الرابع بس مش واحد بالله كتير من الشباب والبنات هي زي الرابع بس مش ما بناخدش بالنهاية اللي  
بتترفج على البلوجر البنات اللي بتترفج على بنات عندهم تشانيلز على اليوتيوب. وبتلبس وضيق وبتطلع وميكب وقلة - 00:47:36  
ادب بس مشهورة وبيجي لها فلوس وفائز وكل الناس تتكلم عليها من جواها بتتمنى تبقى زيها وهي محجبة وبتصلي  
وبتحفظ قرآن بس من جوة بتقول لو سمحت له الفرصة - 00:48:02

كت عملت زيها في كده شاب عادي جدا لا هو ممسل ولا مغنى ولا بتع مهرجانات وفي حاله ربنا يعني مخلية على قد حاله مش  
عارف يعمل معاصي عشان هو على قد حاله - 00:48:24

يشوف الفنان الفلاني يتمنى بقى زيها. يشوف بتع المهرجانات الفلاني يتمنى بقى زيها يشوف بتع الشمال يتمنى بقى زيها. طب  
انت انت ما عملتش حاجة تاخذ كل الاوزار ديت وانت قاعد في مكانك. طب ليه - 00:48:41

ليه؟ مع ان المسألة كانت نية بس طب ما تنوي الخير وان يقلد الناس الخير عشان كده بيقول ان هو يأثم ليه؟ اذا هم الانسان بعمل

كان خاطر بالنسبة له. فتحول إلى عزيمة وإرادة. ثم - 00:49:00

استقر ثم هم به الانسان اما بفعله لكن منعه مانع يأثم ناخدها مسال خدناه في في فقه الصيام لو ان انسان نوى الافطار. نوى الافطار وقال انا هقوم اكل دلوقتى - 00:49:15

فعلا قطع النية ونوى الافطار - 00:49:38

واضح فده خطير جدا جدا تمام ادي الخواطر يا احباب من الخطورة بمكان ليه من الخطورة بمكان لان  
الخواطر ديت هي بداية الضرر ينبغي الانسان بعد اللي قلناه ده كله - 00:50:02

يحرر جداً لأن هذه الخواطر هي بداية كل شر والاسترسال معها أه طبعاً إذا كانت نافلة يصحّ احنا بنتكلم عن الفرض الاسترسالي معها يضر النبي عليه الصلاة والسلام بقول العينان تزنيان وزناهما النذر - 00:50:31

يتحول الى الزنا - 00:51:01

يبقى مبدأ الضرر والشرر بيكون خواطر بتاتي الانسان كده مسلا اللي بيقعد يفكر في البنات اللي بتقعد تفكير في الشباب. اللي بيقعد يفكري الاوضاع للاسف الجنسية اللي بتقعد تفكير في العلاقات الحميمة. ده اكبر زيون للاباحية - [00:51:27](#)  
ده اكبر زيون للاباحية. لأن هو الافكار دي هتروح فين بعد كده؟ ما هو عايز يتحولها للواقع فتلاليه على طول اول ما تيجي اي صورة اباحية قدامه يروح داخل ومكملا - [00:51:51](#)

حتى لو ما فتحش لوحده يبقى كل الحاجات دي بتطلع لنا غصب عننا على النت. بس في واحد اصلاً ما جتش في باله ما كتش في باله. فلما جت عادها - 00:52:04

لكن واحد اصلا طول النهار بيذكر افكار جنسية في افكار اباحية في اوضاع مش كويسة طب جا لك بقى وانت بتقلب على النت يا عم ما دخلتش عليها لوحدك هي جات لك وانت بتقلب هيحصل ايه؟ هتتند لها - 00:52:15

عملت وعكيت الدنيا ورجعت تاني لا تفتحه صح شكرنا يا اساميـة انك ان تفتحـه تلجه يبقى ايـه؟ يـبـقـي القـلـبـ يـهـوـيـ يـتـمـنـىـ الفـرـجـ يـصـدـقـ ذلك او ايـه؟ او يـكـذـبـهـ تمامـ لـذـكـ الخـواـطـرـ يـقـولـاـ عـلـيـهاـ ايـهـ يـاـ جـمـاعـةـ؟ يـقـولـاـ هـيـ بـذـورـ الشـيـطـانـ - 00:45:52

يُبذرها في قلب الإنسان ثم يُسقيها ثم يحولها إلى ارادات وعزمات واعمال يبقى أنا لو دفعت الخاطر يبقى أنا رميّت البذرة  
برة الأرض أصلًا السقيا لا تفيد في هذه الحالة فمهما حاول الشيطان يُسقي - 00:53:09

فانه لا آآمش هيحصل حاجة في النهاية لكن اذا البزرة انا قابلتها وخدتها وحطتها وسبتها في الارض خلاص هي عرضة الان وارد ان هي تفضل في الارض وما تتلقاش بس الشيطان مش عبيط - 00:53:32

مش هيسيب بزرة موجودة ومش هيسيقيها هتنبت هتطلع ايرادات عزيمة فعل طب مين اللي عمل كده؟ انت. سبت البزرة ليه في الارض المفروض يجي لك الخواطر دي تدفعها. تستعيز بالله منها وما تسترسلش معها - 00:53:47

ما تسترسلش معها تمام؟ ودفع الخاطر ايسير من دفع العمل ده بص هو بيقول لك خواطر تتحول الى ايرادات ثم عزائم ثم افعال. كل واحدة فيهم اسها من الثانية دفع الخاطر - 00:54:07

ايسر من دفع الارادة ودفع العزيمة ايسر من دفع الفعل كل ما تجيبيها من الاول اسهل سهل انك تطرد الخاطر صعب تطرد العزيمة صعب ترجع وانت خلاص بتبشير العمل - 00:54:26

ما تصعيش على نفسك اطرد الخاطر تمام وبعد كده بيقول لنا ايه؟ ان الخواطر ديت هي غالبا اكير سبب من اسباب الانتكاسات بيبقى

مسلا شخص الى الله سبحانه وتعالى البنات هي تابت من من الحاجات اللي مش تمام. تابت من الصحبة السيئة من من ماشي مع ولاد. تابت من - 00:54:49

والبنطلونات المقute والكلام دوت وتم الاباحية وتاب من خلاص تمام بس هو بعد ما هي تابت بقى الشامبورد برضو اقول لك ليه في ناس بتنتكس بعد فترة من التزامها؟ وده هيفسر لكم ليه؟ بنشوف مسلات مغنيات بيرجعوا - 00:55:29

هو سيد هو الشكل في الظاهر تائب خلاص بس فيه هنا خواطر كتير جدا كل شوية يفكر في الماضي كل شوية تفكير في شكلها قبل كده كانت عاملة ازاي. دلوقتي ما حدش معبرني زمان كانوا بيعاكسوني. دلوقتي ما فيش اه صاحباتي مش مش بيهموا بي زي الاول - 00:55:49

لما كنت وكتت قل للزمان يرجع يا زمان ونبدأ بقى في حالة من خواطر بس كان معندي الدنيا كانت الدنيا كلها بتتفتح لي. كان مرتببي قد كده في الشغلانة الحرام. كان البنات كلها بتتكلمني - 00:56:08

خواطر بعد ما تترك نفسها لهذه الخواطر هيحصل ايه؟ تبدأ بقى اراده العودة. رغم ان هي بقى لها مدة طويلة ملتزمة وتسبيبها برضه وبعد كده تبدأ عزيمة وبعد كده نشوف تخفيف حجاب - 00:56:25

ونشوف كلام مع بنات ونشوف اباحية ونشوف وهي لسة الشكل يعني ها لسة ومرة واحدة انتكاس الله! ايه اللي حصل؟ الاخت انتكست فجأة. الاخ انتكس فجأة. لا ما فيش حد بينتكس فجأة - 00:56:43

قاعدة اكتبوها ما فيش حد بينتكس فجأة انما هو بي Democr من فترة ولكن ما حدش حاسس وهو ما بيشتكيش وهو غلطان تمام فمن اسباب الانتكاسات الایه الاستسلام لهذه الخواطر ومن اسباب ذنوب الخلوات - 00:57:00

من اضرار الاتحاد دي الاستسلام الایه؟ الخواطر هي مبدأ ذنوب الخلوات هو اللي بيعمل حاجة في ذنوب الخلوات المعروفة بتبدأ بایه؟ قاعد مع نفسه كده دماغه اشتغلت بتاع يلا بنا - 00:57:31

فيلا بنا اللي حصل تمام خطير يعني الانسان ينبغي ان هو ايه يحذر من هذه الخواطر ويدفعها مش معنى ان انا اقول لك ان هي ما بتضركش سبها. لا ادفعها - 00:57:44

عشان ما تتعودش عليك طب ايه الحل بقى؟ اخر محور خمس دقايق ايه الحل مع الخواطر ديت الحل هو ان يذكر العبد اطلاع الله عليه ويستحي من الله الذي يعلم السر واخفى - 00:57:58

سواء منكم من اسر القول ومن جهر به ومن هو مستخف بالليل وسارب بالنهار يوم تبلی السرائر افلا يعلم اذا بعتر ما في القبور وحصل ايه ما في الصدور ام ابرموا امرا فانا مجرمون ام يحسبونانا لا نسمع سرهم - 00:58:24

ونجوافهم ورسلنا لديهم يكتبون تستحي انسان ان يكون واقف في الصلاة ويفكر في الاباحية تخيلوا ده بيحصل يا اخوان. بنت بتصلني بين يدي الله بتفكر في ولد بيحصل ولا ما بيحصلش - 00:58:53

ولد بيصللي ساجد ساجد ويفكر في البنت بيحصل ولا ما بيحصلش الا تستحي وان يطلع الله عليك في هذا المقام الشريف. وانت دماغك كده تمام واحد قاعد في مسجد بيحضر للمعصية اللي هيطلع عليها - 00:59:14

بنت بتقرأ القرآن ودماغها في في الكيد بصاحبها والحسد والحق وازاي هتغلها وازاي هتكيدها وازاي هتحسر قلبها وهي بتقرأ القرآن حتى لو ما بنقراش القرآن ولا بنصللي اسباغي سان يستحي ان ربنا يطلع على العقل ده - 00:59:37

تمام؟ لذلک النبي عليه الصلاة والسلام قال ايه؟ استحيو من الله حق الحياة استحي من الله حق الحياة قالوا له يعني ازاي حق الحياة؟ قال ان تحفظ العقل وماوعي - 00:59:55

تحفظ العقل وماوعي وان تحفظ البطن وما حوى وان تذكر الموت والبلى يبقى حفظ العقل وماوعي ده حق الحياة من الله. انا استحي ان ربنا يكون اكرمني بالعقل. واكرمني بالوعي - 01:00:11

وانا استعمله في هذه الافكار الخبيثة الدنيئة حتى لو مش هعمل حاجة مجرد ان انا استرسل معه احنا قلنا ورود الخاطر لا يضر. انا مش بلومك على ان الخاطر جه - 01:00:29

انا بالوكم على الاسترسال فيه تاني. مش بالوكم ان الخاطر ورد. ممکن وانا باصلي يجي لي خاطر ابا حي ورود لا استقرار ما عنديش مشكلة بييجي في اي وقت انا مش زعلان مش متضايق غصب عنی - [01:00:41](#)

ادفعوا حقجر وخلصت لكن انا بتكلم في الاسترسال الاسترسال فدي مصيبة كبرى شباب وبنات بيقدعوا يفكروا في تخيلات جنسية بسبب ان هو سايب نفسه الموضوع دوت وبالتالي ده بعد كده بيفسد عليه زواج وبيفسد عليه حاجات كتير. يعني مش عايز اتكلم في كلام يستحيا منه - [01:00:56](#)

بتحصل مشاكل كتير بعد كده في الزواج سبب كثرة الافكار ديت بدون تفاصيل يعني ويستحي الانسان ان يطلع عليه ربه بهذه النعمة يستعملها فيسترسل في افكار قزرة او قبيحة او دنيئة - [01:01:19](#)

تمام الحياة اللي تمنعك من ذلك ان تنشغل بالافكار النافعة وزي ما قلنا بصوا يا جماعة العقل ده مطحنة زي ما اي مطحنة شغالة حطيت فيها حب هيطلع دي حطيت فيها زبالة هتططلع زبالة - [01:01:37](#)

وهي شغالة على طول ولازم تطحن حاجة ونفسك ان لم تشغلك بالحق شغلتك بالباطل. نفسك ان لم تشغلك بالحق فكل ما انسان يشغل نفسه بالافكار الطيبة والافكار الخواطر الحسنة بيشغل المكان اللي ممکن الخاطر السيء - [01:01:57](#)

يجي له فيه من الحاجات المهمة جدا ان انت تبعد عن كل حاجة بتستثير عندك الخواطر يعني ما تقدرش مع آآ حد بيقدعد يتكلم في المواضيع ديت. ما هو هيستثير عندك الخواطر - [01:02:17](#)

ما تقدعيش مع البنت اللي بتقعد تتكلم في الحاجات اللي مش كويسة ديت عشان بعد ما تسيبها بتقعددي دماغك تودي وتجيب في الحاجات ديت تمام انا ابعد عن المثيرات التي تهيج عليها الخواطر من صور من كلام من ناس معينة من صحبة - [01:02:33](#)

كل ده ابعد عنه علشان دوت اللي بيhevig عندي الخواطر. انا ابقى نيمتها وهديت علي. اقعد مع واحد يهيجها علي تاني اقعددي مع زميلتك تهيج عليك. تشووف صورة تشووف آآ حدك كنت متعلق به. هاجي زي واحد كان ساب واحدة وخلاص - [01:02:57](#)

ابتعد عنها وهدي ودماغه هديت خلاص برضو راح يشوفها دخل على صفحتها بایده دخل على صفحتها وما عملهاش ان فولو وما بعدش عنها. كل حساباتها لسة عنده هي كانت خلاص هديت في موضوع العلاقة دوت - [01:03:18](#)

وبعدت عن الولد بس هي سايبة الباب مفتوح لمسحة الاكونت بتاعه ولا عملت له بلوك ولا مسحت نمرته هتبقى هديت تروح هي عاملة اثارة لنفسها داخلة على حسابه وتتابع بوساته وتتابع مع تعليقاته. تشووف صوره القديمة. وما ساحتش الصور بتاعته من على الموبايل. طب نعمل لك ايه - [01:03:38](#)

وبعد كده تقول لك الخواطر مبهـلاني يا جماعة الخواطر دي هتدرك هتضيع مزاكرتك نفسها تقعد كده سرحان. الخواطر دي بضاعة المفلسين واحد مش عارف يعمل واقع فعايشه في في الوهم - [01:04:02](#)

بضاعة المفلسين ما تضيعش وقتك. ما تضيعيش عمرك ما تضيعيش نفسك. ما تضيعيش مزاكرتك. عشان شوية خواطر بلهاء لا تعود عليك بفایدة. لا دين ولا دنيا واي حاجة بتتفكر وبتهيج عليك الخواطر امسحها انسفها - [01:04:18](#)

خلاص ومن الحاجات اللي تساعد على على ان انا الخواطر تقف غض البصر عموماً غض البصر ده نهاية. لأن البصر يا جماعة هو المدخل اللي بيدخل لي الداتا اللي بيدخل لي المعلومات - [01:04:36](#)

والمعلومات دي هي اللي بشتغل عليها بعد كده. تاني البصر هو عبارة عن الایه؟ المدخلات يدخل لي هنا صور بيدخل لي كلام بيدخل لي حاجات وبعد كده دماغي تشتغل عليها - [01:04:51](#)

ولا انا وقفت المدخلات مش هيحقق فيه مخرجات لو انا قفلت مش هيبقى فيه لو انا وقفت المصدر مش مش هلاقي مخي يشتغل على حاجة والحزن من رفقاء السوء طبعاً ومن يذكرون بهذه الایه الاشياء وآخرها ينبغي الانسان ان يكثر من الاستعاذه بالله من هذه الخواطر - [01:05:03](#)

قل اعوذ بك من شر نفسي وشر مني وشر سمعي وشر بصري. تمام؟ وان يهتم بطلب العلم وتدری القرآن وكثرة الذكر والصلوة مع حسن

تدبر هذه الاشياء. وبازن الله تعالى تنفع ويكثر من القراءة في سير - [01:05:27](#)  
الصالحين وسير الانبياء. فلعل الله ان ينفعه بهذه الامور. وبكده نكون اتكلمنا في كل المحاور. ايه هو الخاطر اه ايه حكمه متى يضر؟  
متى لا يضر؟ مازا لو منعت؟ نويت منعت - [01:05:47](#)

ايه اخطار الخواطر؟ كيف امتنع عن الخواطر؟ خلصت المحاضرة بتاعتتنا النهاردة نسأل الله ان يعيزنا واياكم من شرور انفسنا. ومن  
سيئات اعمالنا وان يعيذنا من شر هزه الخواطر وان يعني يحمينا من كل هذه الشرور وان يتبتنا حتى نلقاء على خير. اقول  
قولي هذا واستغفر - [01:06:03](#)

استغفر الله لي ولكم سبحانه الله ربنا وبحمدك اشهد ان لا اله الا انت استغفر لك واتوب اليك. السلام عليكم ورحمة الله - [01:06:25](#)